

新刊國朝二百家名賢文粹

新刊國朝士百家名賢文粹卷第一百六十五

序

送別序二

送程仲舒序

直講學士

六經之書其傳也在國有學官在鄉有師氏咸養維其以將
乎外人之有子弟者自嚮風以上皆令從而誦誦討論之至
探爵祿捷科第者亦進而奮耀焉則其道不為不行其徒不
不盛也然自愚而觀之則研一字之所主釋一句之所謂者
焉採青竊白抄撮膚表以壯誇其文辭者有焉至於窮六經
辨大制度經權之所在識大中之所歸則或守株而越起或面
牆而冥噫自愚而觀之則所謂六經之書聖人之徒亦未果謂
之大行亦未果謂之大盛也蜀之大郡曰眉陽自吾居之其皆
可與語斯道而不吾異者惟彭城祖哲武昌素卿宗人黃之廣
平仲舒生以齒少氣銳雅好人物蜀之所請名邑大都皆歷歷

然徧遊之所至皆交其業逸甄辨態狀慨然有許子將之志天
禧号之孟東野東書呈子將之嘉陽既舉酒為餞因告之曰孔
子有三早室之邑必有忠信況四海之廣後士之富果謂鮮於
知道此自欺之談也得非以禄利晃耀戰乎其外為士者科第
一捷則譽震天下後生之徒目玩於是其能無速成之意乎故
平時之心厚則勤道之志薄此自然之數也生其徧遊其土熟
交其英耳告之曰六經之道方未大振孔氏之明未為不塞苟
方且汲汲盡銳於禄利而怠忽斯道則君子之生世當躍馬
萬餘日肉食數千秋而已哉仲舒生文甚富學甚積欲其以發
憤為心故於其行也伸以贈之

送張太永赴闕序

文路公

素宏曰帝王之道莫大於選賢選賢之義各有其方也故周有
俊造之科漢有賢良之舉莫不取經國宏材濟民遠略然後
授之以職而使不失其任也曷是選者寔難其人太丞狀元炳

山嶽之靈蘊經綸之業才識敏茂聲華藉甚始以大司徒論秀而外于大學俄以春官氏辨材而楊于王庭狗監謫子虛之賦恨不同時天子覽平津之策遷為第一卿士大夫莫不嘉嘆而自策名挂藉解褐仕路凡載佐郡皆有治聲天子嘉其能而自麟臺郎改丞奉常雖行路之人悉以慶慰然指紳之士咸稱其位不才量也乃為臺檢召賢之曰茲立代成之秋嚴助已別會稽賈誼重歸宣室則公之是行也排金門外玉堂固其宜矣然鴻鵠之志一舉萬里非鷦鷯雀之所能知也其以禾窺隄隅獲巧餘重片言之譽東陵殆侔西山半面之榮鄭璞僅逾周寶逮茲于邁豈其無言蹢躅燥吻聊為文章

送韓崇南遊序

孫文懿公

謀道非艱中而用之者為艱求仕非艱義而成之者為艱中也者不駁而已矣義也者不苟而已矣已駁則放放則誕誕則偷薄之用勝焉苟則佞佞則猜猜則離離之患生焉故秦漢而下

學儒者為難以刑名權霸之術締交者必終以鬪然戕賊之禍
風行雷同累索皆是其間能復古議斥去時蔽靈然以仁義
自著者幾何人哉語有之從而和之者復幾何人哉噫道之不
幸也如是陵陽韓生識性明挺節行介特勿好文効唐元和韓
退之柳子厚之遺格筆力驍健有聲於民我聞泊卒業手携數
方言于當途者以售其道時李侯方割符命出領守牧覽生之
作嘆息延舉優越常等屬鄉里調選議將鬼之居無何適丁
母憂偃蹇弗就越數歲侯移蒞于他郡且書以督其進由是感
慨憤激鼓行而東重關複江遠不下數百舍昂昂然茹苦啗辛
惟以謀道求知為意嗟呼千里之足伯樂弗視則騶于轅間矣
五音之材蔡邕弗聽則灰于竈下矣特達之士知己弗遇則民
于醫堯矣若生者道既駕時既至知己者復為之左右焉前後
焉和第之殊擢爵秩之俸望其可量其遠大乎勉之哉吾將賀
李侯之知人也

送王勝之西歸序

端明蔡公

志於道者其所以進之之心皆然而所以爲之或異者豈明有所蔽歟夫意氣廣大者善遺俗而剛介者蓋仇世下視世俗屑屑走趨勢利作僕奴女子態狀羞不可近及高仇脫去以矯之往往縱肆自亦離道或非之則曰不世人之非而吾非吾且勢利迫哉雖然其所以自高者廼甚下也前有人焉其心安於仁而其發適於中宜力於其間以求至之與否廼暇與世人之唯輕重而度遠近吾未見乎自處之重也今夫食飲衣帶群於人者無異焉嗟而是非好惡之明有以過之之明而不能急歲時以循其性豈不暗於愚者無知莫強其力知者或隨何從而作也予之不明用是說以省予中者久矣於勝之之行輒進予之自規老因以告之謹序

送史炤邠州幙序

端明蔡公

陸生有言曰天下安注意相天下危注意將載之漢謀策爲警

語其竊謂陸生一時之辨非極論也夫將相者文武之事若手足之左右捨一不濟則貳乃適豈待乎安危而注意哉必安而後相必危而後將譬諸橫舟中流指山木以爲檣曰不殆者豈謂智乎苟有不然惜今以爲諭國家奄宅天區文昭武震蕃酋絃好諸侯順命然而天子貽慮生民覽財者豈非邊兵乎四方大本在於邊精卒良械通寶陰虛方輸里賦徑及天下而四十年間卒老子屯伍械施于戲樂司是者割羊羶酒畜以騁愛國舉異禮必先計兵開府庫委金帛而均施之乃至反脅相稽園目相視較分銖薄厚曰我固當得也將恩而不滅兵驕而不戢時之深恨近年已來北諸侯愈難其選或取文儒加武号而長之大抵尸之謀而正者則爲長利推此而度之天下雖安將可忘乎將不可忘而陸生之談謬悠也果矣其嘗欲北遊以觀邊事勢不及往而中輝受外諸侯之署今當出之首務四方之大本可得而知也於是朝之文士咸作詩以體其行甫陽嘉謀文

司馬史從事在邠州序

送梅聖俞歸洛序

六一居士

至寶潛乎山川之幽而能先群物以貴於世者有矣其有異而已
故珠潛于泥玉潛于璞不與夫蚤蛤抵石混而無者其先潛美
澤之氣輝然特見于外也士固有潛乎卑位而與夫庸庸之流
俯仰上下然交不混者其文章才美之光氣亦有輝然而特見
者矣然求珠者必之乎海求玉者必之乎藍田求賢士者必之
乎通邑大都據其會就其名而擇其精焉爾洛陽天子之西都
距京師不數驛擢紳仕宦雜然而處其亦珠玉之淵海歟予方
據是而擇之獨得於梅君聖俞其所謂輝然特見而精者耶聖
俞志高而行潔氣秀而色和蘄然獨出於眾人中初為河南主
簿以親嫌移佐河陽常喜與洛之士遊故因吏事而至於此余
嘗與之徜徉於高洛之下每得絕崖倒壑深林古宇則必相與
吟哦其間始而歡然以相得終則暢然覺乎薰蒸浸漬之為益

也故以而不厭既而以吏事託言歸余且惜其去又悲夫潛乎下邑混於庸庸然所謂能充群物而貴於世者特其異而已則充氣之輝然者豈能掩之哉

送曾肇序

六一居士

廣文曾生來自南昌入太學與其諸生羣進於有司有司欽爵材操尺度甄以一法考其不中者而棄之雖有魁壘拔出之材其一累黍不中尺度則棄不敢取幸而得良有司不過反同衆人歎嗟愛惜若取捨非已事者諉曰有司有法奈不中何有司固不自任其責而天下之人亦不以責有司皆曰其不中法也不幸有司尺度一失手則往往失多而得少嗚呼有司果良法邪何其久而不思革也況若曾生之業其大者固以魁壘其於小者亦可以中尺度而有司棄之可怪也然曾生不非同進不罪有司告予以歸思廣其學而堅其守予初駭其文又壯其志夫農不吝歲而苗指是勤其水旱則已使有一穫則豈不多邪

曾生彙其文數千萬言京師京師之人無求曾生者然曾生亦不以干也予豈敢求也而生辱以顧予是京師之人既不求之而有司又失之而獨予得也於其行也遂見於文使知生者可以吊有司而賀余之獨得也

送張唐民歸青州序

同前

余讀周禮至於教民興學選賢命士之法未嘗不輟而歎息以謂三代之際士豈皆素賢哉當其王道備而習俗成仁義禮樂達於學孝慈友弟達於家居則教養之漸進有爵祿之勸苟一不勉則又屏黜不齒戮辱之羞然則士生其間其勢不得不至於爲善也豈必生知之賢歟後世道缺學廢苟偽之俗成而忘其教養之具至於爵祿黜辱之法又失其方而不足以勸懼然則士生其間能自爲善卓然而不惑者非其生知之性天所賦予其孰能至哉則凡所謂賢者其可貴歟三代之士遠矣故善人尤少幸而有則饑寒困踣之不服其業者或輟而後通夫賢

者豈必困且艱歟蓋高世則難合違俗則多窮亦其勢然也嗚呼人事修則天下之人皆可使爲善士廢則雖天所賦予其賢亦困於時夫天非不好善其不勝於人力者其勢之然歟此所謂天人之理在於周易否泰消長之卦能通其說則自古賢聖窮達而禍福皆可知而不足怪秀才張生居青州其母賢而知書三子喪其二獨生最賢行義聞於鄉而好學力爲古文是謂卓然而不惑者也今年舉進士黜於有司母老而貧無以養可謂困且難矣嗟乎予力旣不能周於生而生尤好易常以講於予若歸而卒其業則天命之理人事之勢窮達禍福可以不動于其心雖然若生者豈必窮也哉安知其不艱而後通也哉

送秘書丞宋君歸太學序

同前

西巷之士甘藜藿而修仁義毀譽不于其守職寒不累其志此衆人以爲難而君子以爲易生于高門世襲軒冕而躬衣布帶之行其驕榮逸欲之樂生長于其間而不溺其習目見乎其

久而不動乎其中此雖君子猶或難之寧行足以立身而進不止材能足以高人而志愈下此雖聖人亦以爲難也書曰不自滿假又曰汝惟不矜不伐以舜禹之明猶以是爲相戒懼乎其下者哉此誠可謂難也已廣平宋君宣獻公之子公以文章爲當世宗師顯于朝廷登于輔弼清德著于一時令名垂于後世君少自立不以門地驕于人既長學問好古爲文章天下賢士大夫皆稱慕其爲人而君謙然常若不足于已者守官太學甘寂寞以自處日與寒士往來而從先生國子講論道德以求益夫生而不溺其習此蓋出其天性其見焉而不動于中者由性之明學之而後至也學而不止高而愈下子自其初見其長行而不倦久而愈篤可知其刑無所不至焉也孟子所謂孰能禦之者歟予陋巷之士也遭時奮身竊位于朝守其貧賤之節其臨利害禍福之際常恐其奪也以予行君子之所易者猶若是知君行聖賢之所難者爲難能也歲之三月來自京師拜其舅

式子得延之南齋聽其論議而慕其為人雖與之終身之處而不厭也留之數日而去於其去也不能忘言遂為之序

送王陶序

六一居士

六經皆載聖人之道而易著雖人之用吉凶得失動靜進退易之事也其所以為之用者剛與柔也乾健坤順剛柔之大用也至於八卦之變六爻之錯剛與柔迭居其位而言其利無咎凶厲悔吝之象焉蓋剛為陽為德為君子柔為陰為險為小人自乾之初九為始而上至於剝其卦五皆陰剝陽之卦也小人之道長君子靜以退之時也自坤之初六為復而上至於夬其卦五皆剛史柔之卦也小人之道消君子動以進而用事之時也夫剛之為德君子之常用也庶民利物功莫大焉其為卦獨泰之三而四為大壯五為夬壯者壯也史者安也四陽雖盛而猶有二陰然陽眾而陰寡則可用壯以攻之故其卦為壯五陽而一陰陰不足為直可安之而已故其卦為夬然則君子之用

剛也審其力視其時知陰陽小人之必可去然後以壯而決之
夫勇者可犯也強者可誅也聖人於壯決之用必有戒焉故大
壯之彖亂曰大壯利正其象彖辭曰君子非禮弗履史之彖辭曰
健而說決而和其象辭曰居德則忌以明夫剛之不可獨任也
故復始而其臨浸而長泰交而泰壯以衆攻其寡史乘其表而
沃之夫君子之用其剛也有漸而不失其時又不獨任必以正
以禮以說以和而濟之則功可成此君子動以進而用事之方
也太原王陶字樂道好剛之士也常嫉世陰險之小人多居京
師不妄與人遊方學好古以自信自守今其初仕於易得君子
動以進之象故予爲剛說以贈之大壯之初九曰壯于趾征凶
史之初九亦曰壯于趾往不勝爲咎以此見聖人之戒用剛也
不獨於其象象而又常深戒於其初嗚呼世之君子少而小人
多君之力學好剛以審其志未始施之於事也今其往尤宜慎
乎其初

送徐無黨南歸序

六一居士

草木鳥獸之爲物衆人之爲人其爲生雖異而爲死則同一歸於腐壤斯盡泯滅而已而衆人之中有聖賢者固亦生且死於其間而獨異於草木鳥獸衆人者雖死而不朽愈遠而彌存也其所以爲聖賢者修之於身施之於事見之於言是三者所以能不朽而存也修於身者無所不獲施於事者有得有不得焉其見於言者則又有能有不能也施於事矣不見於言可也自詩書史記所傳其人豈必皆能言之士哉修於身矣而不施於事不見於言亦可也孔子弟子有能政事者矣有能言語者矣若顏回在陋巷曲肱飢臥而已其羣居則默然終日如愚人然自當時群弟子皆推尊之以爲不敢望而及而後世更百千歲亦未有能及之者其不朽而存者固不待施於事況於言乎子讀班固藝文志唐四庫書目見其所列自三代秦漢以來著書之士多者至百餘篇少者猶三四十篇其人不勝數而散亡

磨滅百不一二存焉子竊悲其久文章麗矣言語工矣無異草木榮華之騁風鳥獸好音之過耳也方其用心與力之勞亦何異衆人之汲汲營營而忽焉以死者雖有達有速而卒與三者同歸於泯滅夫言之不可恃也蓋如此今之學者莫不慕古聖賢之不朽而勤一世以盡心於文字間者皆可悲也東陽徐生少從子學文章稍稍見稱於人既去而與群士試於禮部得高第由是知名其文辭日進如水涌而山出子欲摧其盛氣而勉其思也故於其歸告以是言然子固亦喜爲文辭者亦因以自警焉

送楊子聰立曹序

六一居士

士之仕於州郡者必視其地大小高下之望以爲輕重河南大府也衆軍雖中以望而高下之固與他州郡異矣然地大望高居者皆將相名臣吏民間坐而偶語道某相某將某官者常名片而一二歲數之至於郎官御史方鎮牧守使人貴客由河南

出者入不俟於疆去不餞于郊途逢而不避市坐者不起豈素
慢哉蓋其見之習也彼視公卿大臣要言其易如此矧所謂
軍者邪其不群朝而隨侮之幸也參軍母上府望門而趨吏摩
肩以過不揖及就焉持刺執版求通姓名雖心負其所有欲進
自達不可得其勢鬱鬱鬱里且賤反其於定州郡故爲之者未嘗
樂也然其間能自以頭角傾然而出者鮮矣其才能之美非有
異乎衆莫能也亡曹參軍楊子聰居府中常衣青衫騎破虎鬪
出入府門下人固皆視而繁易之居一歲相國彭城公薦之集
賢學士謝公又薦之士之有文而賢者盡交之其能出其頭角
矣若去而之他州郡不特傾然而出矣遂特傑然以獨立也子
聰南人樂其土風今秩滿調於吏部必吏於南也吾見南之州
郡有傑然而獨出者必楊子聰也

新刊國朝二百名賢文粹卷第一百六十六

序

送別序二

送廖倚歸衡山序

六一居士

元氣之韜結爲山川山川之秀麗稱衡湘其蒸爲雲霓其生爲杞梓又居其間得之焉後傑秀士生於衡山之陽而秀麗之精英者得之尤多故其文則雲霓其材則杞梓如以鄉進士舉於有司不中遂遊公卿間所至無不虛館設席爭以禮下之今求與太原公雅識沉正器君尤深初其鎮秦川也請君與俱行遂趨幽關以覽秦都則四方士君子得以承望乎風采矣凡居秦幾歲而東將過汴師以歸予嘗以上計吏客都中識君於交達辱之以友益當君之西也獲錢於國門及夫斯來又相見於洛道語故舊數日乃行夫山川固能產異物而不能畜之者誠有用其用者爾今君之行也余疑夫不能以畜於衡山之阿也

送方希則亭

六一居士

蒙莊以緼笏爲柴柵班伯以名聲爲轡轡夫軒裳輝華人之所
甚欲敗其思之邪蓋將有激云爾是以君子輕去就隨衣冠富貴
不可誘故其氣浩然勇過乎貴育黜賤不以屑其量恬然不見
於喜愠能及是者達人之餘而大方之家乎希則茂才入官三
舉進士不利命乎數奇時不見用宜且夷然拂衣師心自往推
否泰以消息輕寄物之去來淵乎其大雅之君子而幾類於昔
賢者乎余自來之都寓謁舍化衣京塵空負金明者再見春矣
會夫子方鄉儒學招徠俊良開賢科命鄉舉而四方之傑齊真
函詣公車者千百千數余雖後進晚出而擗袂摩跌攘臂以
游其間交者固已多矣晚方得君傾蓋道塗一笑相樂形忘乎
外心照乎內雖濠梁之遊不若是也未幾君召試中臺以枉於
有司奪席見罷擯紳議者咸傷冤之君方潛乎冲襟竟於使
人不能類也後數日齎裝具舟泛然東下以余辱交者索言

以爲贈夫恢識字以見乎遠窮倚伏以至于命此非可爲淺見
寡聞者道也希則達人函可一言之昔公孫常退歸鄉人再世
射策遂第一更生書數十上每報聞罷而終爲漢名臣以希則之
資材識業而況其鬱堙者豈非天將張之而固翕之邪不然何
遭迴而若此也夫良工晚成者器之大後發先至者騁之良異
日垂光虹蜺躍髮雲漢使諸儒後生企仰而不暇此固希則楮
囊中所畜爾豈假予詳言之哉觴行酒半坐者皆歎去操觚率
然辭不逮意同年景山欽之識之亦賦詩爲別則祖離導舊之
情備之矣此不復去

送張續李常序

但來先生

孔子之大道爲異端侵害不容於世實三十年諸公能維而持
之不能排而去之維之持之道不絕矣不去其害道終病矣韓
文公所謂不塞不流不止不行是也予不自揆度乃庸獨力直
斥其人而攻之我寡彼徒衆反攻予者日以千數視予之肉虎

動吻而狼狽矣賴聖君天覆地容得免於禍漢人張禹功李遵
道者其居與予不相遠耳目接于予固熟則其宜知予之所爲
如是得禍如是輒不憚直以身冒予之禍來山中而助予楊子
雲稱軻之勇若禹功遵道者其勇者歟太史正崔杼之罪殺之
其弟又書杼又殺之南史聞之執簡以往太史初正杼之罪知
爲史者然猶未知必得誅於杼若南史聞已殺二人矣又執簡
以往是直不畏死者矣予攻害孔子者予知爲孔子者然亦未
知必得罪於害孔子之徒若禹功遵道已見予之所得禍如是
又來助予是真勇者乎今年三十七而髮半白然心益壯而氣
不衰禹功少予十四歲遵道少予十五歲其文如進六軍而作
鼓者嚴猛齊厲張皇舊施可式可畏當與予周旋焉達也以
孔氏之道窮也以孔氏之道達而万物通窮而万世明施之于
事万物不通乎垂之於後万世不明乎窮達之間綽綽然有餘
裕其有能動心乎禹功藏用於神其得天下之幾歟遵道直道

而行其明天下之治欤幾近易治近春秋三子之道皆道也與
世不甚迆其必達矣去舉進士予醉之以酒復贈之以言以釋
相離之懷辛巳夏五月二日石介序

送祖擇之序

徂徠先生

擇之罷濟南將歸闕自歷山南走三百里別明復先生暨予於
泰山徂徠相與講道德究終術耽雲霞玩水石舉觴賦詩五日
而後去以所坐乘重爲明復之壽爲予書先君之銘于石以爲
勸擇之以文章登甲科天下之望甚盛不十年當輔相天子爲
宋大目爲人資材已高又自能知堯舜周孔之道顧明復與予
飢寒山谷中向有憂議利干擇之而冒苦辛傾肝膽予二人豈
有求邪明復謂無以謝擇之發聖人之緼明王道之極擇之拜
而受之嗚呼春秋賞罰二百四十二年矣仲尼之心獨發焉
周一世之亂反諸正十一公揭如日月昭明于天後之聖賢
得之多者帝得之少者王不得之者霸明復之報爲不輕矣予

經學述不能希明復然又不可嘿夫移時物之情也徇道人之
難也噫諸侯交迎傾國封之枉尺直尋吾死不爲見之孟軻尋
邑三公舜歆高爵不作符命甘投于閹見之子雲潮州八千幾
死瘴煙歸來京兆不肯婢娟見之吏部嗟嗟李勣徇主從晉吐
咄宗元附權激官觀而始斯豈爲不完弗能有終至今痕瀝擇
之與子說縕深矣此去近天子得與宰相磨切天下是非不得
時見上講道君政得失天子宰相曰非擇之曰是天子宰相曰
是擇之曰非擇之官曰進而寵曰深矣天子宰相曰是擇之曰
非天子宰相曰非擇之曰是擇之前有鼎鑊而後有鈇鉞矣古
之君子辭官職而遠寵祿超鼎鑊而就鈇鉞非以官職寵祿爲
地而鼎鑊鈇鉞爲樂也道適當然也擇之於道安之者也非利
而行之者也非畏罪而強之者也子所以云姑爲報之資亦要
定二年七月十五日序

天之生育於物運動不竭而無疾者氣一而已人生其間百骸
舉止營營有為者亦氣也然有喜怒哀憂惡之情變以激其
氣故滯而悖亂失其經而不平由是疾疹生焉必當外假於物
以養之養得則且則無天關之患焉先王之制禮也以飲食夫
婦之法爲之大故民未有不謹於禮而能安者此先王愛民之
生也至矣今予自幼好享識所謂先王之禮勉長而不飲酒不
茹葷無嗣不再娶九年于茲果乎人之所難自是而不變反常
好異以爲勝衆予其慙之而又聞善而從見惡而惡未能寂泊
與天爲徒使其心氣鬱鬱律不寧而無所輔養索索然越乎病
之場而不還欲其保天年而立事功其可得邪予惜夫親友不
以禮義中庸之道勉之使移其堅緻之心以學聖人之業徒獎
其所難以傷厥生吁可悲也予因其行而告之以破異俗之術

送胡完夫序

司馬溫公

舜之取士敷納以言明庶以功車服以庸考其言中於道試之

事克有功然後用之故能舉十六相恭已無爲而天下大治也
近世取士不然一使之以文辭噫文辭豈能盡取士之道邪天
下病是久矣明天子知之通詔有司自今進士高第皆先試之
小官使知爲下之勞而孰於民之疾苦然後察其功而舉之雖
置以爲卿相無不可者嗚呼此誰發哉乃太舜之業也晉陵胡
字夫以進士貢於州試於有司覆於天子之庭第其名未嘗在
一二人之後則字夫之文辭可知矣其試於有司也其不倖尸
其事得竊觀其論策蓋非特文辭之美也迺能發明聖人之淵
源叶於古而適於今信乎其言能中於道者邪既中於道矣自
今日以往天子將又試之以事與日字夫能擴其道以充其言
則天子將引而置之卿相之位庶幾乎元凱之功復見於今日
矣嗚呼天子一更法度復古之道其功業之歸迺巍巍如具豈
不偉哉噫是道也不難至在字夫勉之而已矣

送李公明序

司馬溫公

浴平四年夏龍圖閣直學士工部尚書兼寺讀李公公明得謝
於朝以太子少保致仕故事告老者不復謝辭徑歸其家天子
謂公明盛事四朝清慎公方進退以禮不可與它臣比時召入
對賜之坐慰勞之又特置饌宴於資善堂惟講讀之官及能
注起居者凡十人得與焉以終宴天子六遣使者存問勸侑加賜
白金御茶給優俸又詔以梓宮在殯不欲自為詩凡與宴之官
皆命賦詩以寵其行仍別錄一通以聞自前世冊告老而榮者
莫若漢二疎當是時宣帝不過賜之二十金而已未聞有恩禮
若今之盛者也嗚呼天子之安養耆壽優崇有德勤厚周密誠
古今所未有也公明少為丞相子長為臺閣顯官迨今老而去
位耳目聰明手足輕利諸子為九卿牧守而性皆孝謹洛陽佳
園宅此數條者又二疎所不能備也然則公明福祿亨美顯榮
光大亦古今所未有也先皇帝時公明數求致仕未之得其嘗
待坐從容請曰兄年雖七十而康寧如是獨不可強為天子少

留邪公明曰所貴於致仕者欲及其身之無恙自樂於鄉黨耳
必待不任朝調與疾而歸是不得已豈知足之謂邪某忻然服
其言益知賢者所存固非庸人所能及也昔先子登進士第先
相國為舉首故某於公明兄弟行也資善之會某以新去經席
不得與焉於其行也僚友復設祖道供帳於西郊某又以御史
之職不得與焉其恨可勝言邪故聊序其事以為別從表弟右
諫議大夫權御史中丞陳水司馬某序

送彭學士序

范忠文公

蜀當西南陬曰輿坤坤為文為臣故世有方正柔靜之士作西
漢時司馬相如始以文章顯而右王褒何武楊雄事業著乎篇
唐陳子昂用古道振而時文於變意者良我趙精江漢文自盛
須其時克生其人乎祥符四年宋興五十二載矣是邦人新去
兵革之苦始漸聲教之寧而隴西集仙公以道藝行誼登王府
主上紹休摠秉權綱獨觀昭曠恢大同之化罷三玄之法遂有

昔慈之授焉縣令前驅考輶甚龍子弟帥致檄文不修里有冠
蓋之垂豕連序塾之盛議者謂文翁王堂子雲書臺興儒以來
未有侈於今日者已蓋聖人用一賢出一令勸悅之道其利博
哉昔楊仲桓教生徒上名錄者三千曾仲康選高第至郡守者
數十與時立本朝議外廷綏綸王言潤色神化則西州士夫未
量其被教育也南荆領軍非之留之地故略而無述

送孫正之序

臨川先生

特然而然衆人也已然而然君子也已然而然非私已也聖人
之道任焉爾夫君子有窮苦顛跌不肯一失訓已以從時者不
以時勝道也故其得志於君則變時而之道若反手然彼其術
素脩而志素定也時乎楊墨已不然者孟軻氏而已時乎釋老
已不然者韓愈氏而已如孟韓者可謂術素脩而志素定也以
時勝道也惜也不得志於君使真儒之效不自於當世然其於
衆人也卓矣嗚呼予觀今之世圓冠義而大裾檐如坐而堯言

起而舜舞不以孟韓之心爲心者果異於人乎予官於揚得友
曰孫正之正之行古之道又善爲古文予亦其能以孟韓之心
爲心而不已者也夫越人之望燕爲絕域也北轅而首之苟不
已無不至孟韓之道去吾黨豈若越人之望燕哉以正之之不
已而不至焉予未之信也一日得志於吾君而真儒之效不白
於當世予亦未之信也正之之兄官於溫奉其親以行將從之
先爲言以處予予欲默安得而默也慶曆三年閏九月十一日
送之云爾

送李著作之官高郵序

同前

君之才搢紳多聞之初君駐金陵酒政人皆惜君不試於劇而
淹於卑冗君將優爲之曰孔子嘗爲乘田委吏矣會計當而已
矣牛羊蕃而已矣既下又得諸高郵聞吏人復惜君不試於劇
而淹於卑冗君言如初色滋曩喜於戲今之公卿大夫據傲乘
機鑽隙抵牾僅不屈志則戚戚以悲吾乃慨然反之此蒙所

以高君也抑有猜焉古之柄國家者有嚴警忌感采怙處下列拔而致之朝使相謨謀今豈不若古邪奚遂君請而弗救也

送李東之歸西京序

王岐公

朝廷有爵祿車服之寵以待天下士之豪賢而可貴可富之且其趨者不得止也然而君子未嘗枉道以處焉故觀其有所擇則欲進之心廉思其有所厭則欲退之心厲矧等者而德充邁然有遺軒冕而去者雖天子不能以少屈也龍圖閣直學士工部尚書兼侍讀李東之在先帝時數請老以去今天子即位乃繼上書曰先臣廸相真宗仁宗勤勞王家年七十二而致仕臣無功名在朝而年已與先臣等陛下不使臣去是使臣重得罪祿之罪而以辱先臣上度其不可屈於是聽以太子少保致仕凡致仕閣門無謝辭翊日特召對延和殿既而賜坐所以嘉勞之甚厚其將行也又特賜餞于資善堂命講讀官臣王珪臣李受臣王獮臣孫思恭臣傅卞臣王廣淵修起居注臣滕甫楊繪

預其會會止凡六遣使存問賜白金龍茶及給以優俸仍出禁
中珍器勸飲者至于再三徐又詔曰先帝故宮在殯不欲親為
詩勅臣等八人皆賦贈行詩以進於是少保亦自進感遇詩一
章維少保大臣子而歷事四朝清夷端謹不汨汨于榮利之事
及老而得謝也神氣逾和間嘗與臣相從笑言臣疑其尚少也
其家居洛陽有鳳亭水榭示文子孫申申乘朱輪紆紫綬者
卒于一門茲固積茂行而嘖空福者已臣嘗論為臣之大節莫
如識進退之分自前世蒙重位飾虛名及臨勢而不知止者靡
不取危殆如一有遺榮之舉當時皆慕完操而謂清風至後世
而猶有聞此豈謬者常衆而達者常鮮歟上既賜以八臣所作
詩乃詔臣珪為之序臣以謂少保之行得天子褒如此其詩將
詒諸後而不泯何其佳歟何其偉歟治平四年五月十一日臣
某謹序

送通判張都官赴關序

石室先生

服道之深者其心必渾融淵虛寬廓夷易秉負確固動不回辟
據道顯慶屈約視之槩然弗泊乎中安所自存以充其元焉近
世養士不以三代之法成就之使其知此術者甚鮮同嘗用是
以考質士大夫之所爲冒清河張侯總之者斯人欽總之仁以
治已誠以接物自登科凡三十年而官不過員外郎在哉止治
中從事不競勢不倚俗外泊而內靜色恬而氣和其辯論正而
達其文章博而粹無躁志無戇語愉如也同往年拜總之於成
都及來南蜀復得預總之職事反覆參視先有缺缺誠哉士子
之形範而吏者之文墨耳今解秩歸闕彼能以賢守而報國者
云誰如欲爲朝廷求所以有益於時者用總之則名知人矣

新刊 國朝二百家名賢文粹卷第一百六十六

新刊國朝二百家名賢文粹卷第一百六十七

序

送別序四

送滕寺丞之官序

韓南陽公

予交之良曰滕君輔之被景祐成實詔在官于單且行矣以古
人送言之義責於予予既難其仁又重之以訥故退焉以享贈
夫玉之璞粹乎其溫斲乎其堅而弗入于用則良工必爲惜之
人之性湛然其純穆然其和放而不大以學固亦君子之所歎
惜也王之璞必追之琢之而後器可成也人之性必脩之發之而
後道可入也若君之性其至乎而能追之以學琢之以文器之
以道將何用而不過哉慎無置其璞以爲良工之惜窮乎理乎
係於時而已非予所能必也勉之景祐五年九月日

送兵次公序

寺丞章公

君子之道有不知性而成者未有知命而爲非道者焉蓋有不

學之人吾性自有善端莫能原之因其天資我美性足以勝其情則其心沛然自得仁義之間有雖好學而昧性之端者是以有不知性而爲君子者然而不若知性之爲通其成爲君子者天也天之所以生人其人才且德焉未必富且貴也不才且不肖焉未必不富且貴如此天命也若不可得而推之亦修吾身安吾分以俟天之窮之達之壽之夭之而不自貶焉適可也其成爲君子者我也知性矣知命矣固知時也古之人有可爲之時而不爲者將以救後也伯夷叔齊餓于首陽是也其詩曰不伐不求何用不厥有不可爲之時而欲爲者將以救今也孔子之歷聘諸侯是也其詩曰行道遲遲載渴載飢我心傷悲莫知我哀有可爲之時而爲者以道濟天下也伊尹之自任是也其詩曰尹氏大師維周之氏秉國之均四方是維天子是毗俾民不迷有不可爲之時而不爲者樂道而守其一身也顏子之居陋巷是也其詩曰泌之洋洋可以樂飢衡門之下可以棲遲以

子之詩雖異其心一也今吾儕小人祔於宴過莫若知命之爲良東海吳次公以名進士仕宦十有餘年動輒艱蹇人皆惜其佳士而莫能救其窮者予雖見其知命故又致此說以送之

送監征錢宗哲序

郎中強公

人心之仁鈎有也然而不能者利奪之爾關征之吏探囊發篋索人之隱其心豈素不仁哉蓋曰官負格誘之爾今有司之令主關征者月校季比歲終會其課視前歲之增減以爲殿最課增有厚賞雖悲憫億之不至仁何預我哉浦陽在婺爲窮山商旅之過發者多道旁邑故關征之官常病歲課益張其防伺人之來間有一觸者則必傾囊倒篋等續而去誓云設機待獸耳則不釋故商旅益不來常歲之課益不登獨錢君宗哲之莅是爲其術大抵本仁誼且曰龍商之術在寬不在急急則吏與商爲表裏將寡取其貲而私縱一寬則商喜輸官而吏無以爲私計宗哲持是術凡商旅之過者必裁減其數而征之繇是皆願出

其塗而常歲之課愈登羨四方之商率稱不抵為村官又浦陽俗善織凡補吏者指此邑為膏潤其空廩之而來而歸者前後或相繼獨宗哲解官去家儲亡檐石吏負而墮者皆先世賜書與父祖誥軸一邑之民愈以宗哲為廉吏宗哲嘗語予我高祖挈東南之籍歸天子始有力王室而後用直言登科選者一門凡三人故家聲益天子當世今我階陞縉列冗官尚復規規戚課觀資格之及寧獨嫌吾明抑豈不貽仁誼之羞耶故學不喜章句仕不圖苟進惴惴焉唯弗紹家世之烈為懼以是宗哲能文善詩卓然有遠器曠能言宗哲之材而不能知其弊者四方之商也知其廉而不能知其文者一邑之民也知村與廉而復能知其文且仁者予也於其行并取行商居民誦以為序云至和乙未三月十一日浦江令強某幾聖題

送王君玉序

西塘先生

鴈梁之制舟人操舟若神沒焉未嘗見舟而誤操之也不知水

之爲可懼而無以拱其內故也使之慄慄懼懼雖溝池之大不敢
而踵步不進矣况所謂驚波駭瀾沒而復操者哉道之於天下
非特觴深之淵爲阻且大也昔之無畏者以身爲舟以仁爲人
以禮爲楫以義爲橈以信爲維以天地之內爲淵以智識爲知
運以詩書爲表以直勇爲碇回帆以忠順爲儔侶以耳目手足爲
僕走以至誠不倦爲浪濤不啗晝夜而以袖聖無爲爲所適之
國也茫乎徜徉浩乎無涯而無所不到矣雖有橫波旋流驚濤
巨浪視之猶玉陸也其胡跋於祝融之峯而星庵於碣石之足
左據龜蒙右搖桐柏涵湧處下震燁處上而目視不瞬神色不
變雖有長鯨巨鯢虎爪而鋸齒視之猶螻蟻也則操而沒沒而
護操焉無足怖也昔之人有爲是者仲丘顏淵孟軻是也仲丘
巨鳳鳥不至河不出圖吾已矣六當義亂腐敗之餘思欲手提
文武之素而振起之其自視猶反掌曰不曰知之何如之何者
吾未如之何也已矣陳蔡之圍七日不食而之兕虎而守以金

華從者病卧曹天能興起方且援琴而歌焉須淵曰舜何人也予
何人也有為者亦若是其饑食瓢飲在於陋巷處人所不堪之
憂獨無少改其樂孔子學堯舜文王而終身皇皇賓於危亡顏
淵學孔子而栖栖如也其窮若是後之為身謀者鮮不以為已
深戒而孟軻乃曰我所願則學孔子也夫以眇然六尺之軀無
置錐之地可以為資且置瓢於死一聞而所以制行者乃
欲上與堯舜比有曰彼我皆人耳何為而不可軻之言亦曰舜
人也我亦人也舜為法於天下傳於後世我猶不免為鄉人此
其所憂也夫自生民以來未有如堯舜而三人者一旦皆欲與
之齊而中心無少憚畏也壯哉夫然後能為無所不到而出言
吐氣皆可為法則禘祫故簡容易傳記而万世之下以之衣以
之食以之器君臣臣父子兄弟夫婦夫婦日月以之
光星辰以之序陰陽以之和草木魚鼈以之咸得嚴所以整以
育一不用其言上下倒錯日月星辰亂於天草木出魚鼈於地

禽獸食人而相食而破家亡國妻孥之不保而身爲魚肉矣
後之人以爲三人者真神聖人也殊不知其與已無少異也故
夫欲學道而不能無畏如仲尼顏淵正軀也以猶肉身無骨而
欲立也大畜曰剛健篤實輝光日新其德乾曰天行健君子以
自強不息夫惟富貴貧賤吉凶禍福之際此世入所以慙慙喪
心惑志殘形憊神者其誰不然而三君子者視之猶日夜之相
代乎吾則蚊蚋蟻之觸吾顙而去也無少動乎其中非剛健
篤實而能若是乎是其履興否泰而旦暮生死所以操之者無
少已此之謂強不息也若夫不能無畏者不然尹求曰非不悅
子之道力不足也公孫丑曰道則高矣美矣宜若登天然似不可
及也何不使彼爲可幾及而日孳孳也是欲貶損聖道然後從
之士錫深之淵爲汙池之水而舟焉可也求所謂操之若神沒
而復操者非特坎井之於天地爲相万也一季氏之宰能使冉
求爲茹回細人之行而齊卿之位足以動公孫丑之心所欲爲

者憂晏而已宜其於孔孟之門畏憚退縮望之而喪氣流汗也
故孔子於來曰非我徒也小子鳴鼓而攻之可也孟子於公孫
丑曰子誠齊人也知管仲晏子而已此其所以日侍聖人之側
而炙之不入也王君君王其生堂堂氣剛而語方首親真陽吾
一見之望其眉目而知其可以為無畏者問其年曰二十有三
是其少於顏淵之齒八歲而剛方近焉然則使君至不為顏淵
則已欲為顏淵孰禦焉惜乎吾方欲與之遊而遽以待親告歸
故為君王道及是君王之歸能思吾言則能為孔子之舟是舟
也居則濟已行則濟物畫曰若濟巨川用汝作舟楫惟能與天
地万物同於一航出沒生死與之偕焉夫然後可稱於善操舟
而無觴深之淵矣熙寧十年四月丁酉日宿唐鄭俠序

送雷雅別字

左丞蓮公

今之善論天下事者少曰禍在夷狄不知夷狄不足憂兵利難
為謹守而扼之可以坐定往年西兵囂囂諸將死難失在無備

然人心不爲寇移近日河北盜起劫殺守吏屠戮入宗族禍方
謂城接隕搖動盜未滅宮幃之變恐駭天下人人無自固心當
是時雖欲用利兵羣書爲謹守之謀安可得也天下之事不在
夷狄在乎內患之術爲朝廷慮者未嘗思之孽芽已萌不肖
制誤其顛顛然後圖建已之策傍徨不知所從豈不可笑日夜
徒爲夷狄憂夫復何益去年備蜀之議大憲出於不思益甲完
城止以遺盜卒起引蠻爲朋闇明自守中外騷擾敵在左右縱
有善禦之將使之何以抑其勢不思撓蜀不在蠻在於郡縣蜀
之郡縣散困久矣天災焚煎使孽過於虎狼乃事懈墮老幼拱
手待死人人喜禍假蠻爲唱聲言賊兇在蜀以恐朝廷朝廷遂
以爲必然移官補將控其來衝反不覓饒愛惜吾民養活其性
命而又益卒以陷食暴計以耗奪輦荷戈甲以駭其耳目大張
聲勢以速其勢心蠻未息蜀之撓口召矣唯在蜀爲蠻衝雅之
子曰雷侯雷侯之行大臣憐而天子用其才雷侯向爲天下

起今臨一州為有餘州有權急雷侯處之必不失其術雖蠻無
雪朝廷不必憂然恐後日之患忽不在於蠻則卒然之變雅州
必不能獨支矣蜀之事蠻不足為休戚雷侯之有不止於一州
一州之勢無以制蜀患善慮者思是而政處之使吾蠻安得盡
其術以施於蜀少安吾民則蜀為無憂而蠻之職亦自斂也賤
遠之人無階而進其言聊序於雷侯之行毋幾或有聽者則蜀
安矣

送胡完夫序

學士錢公君倚

子聞江出岷山其源之微若甕口焉及其至也浩浩瀾瀾為窮
天之浸縣環數千里為到海之瀆其澤乎人而利乎物為滄川
之冠是何也流之弗已而益之者衆也宋因唐以進士一科取
天下士為最廣而科之最上者五人獨得貴官自神宗以來未
有改也論者患其選之或差而鬱其人之未稱一日相與謀謨
而變更之既已定合矣而吾鄉完夫出其選呼其幸也哉其非

幸也哉雖然字謂子之曾中所自有者是子之岷山也今之居
是科進丁其更令之時歛手一官孰爲重輕是子之蹇口也以
子之岷山順而導利之以子蹇口大而擴充之浚子之流使目
達來子之益使日衆茲而後子見子之澤乎人而利乎物也茲
而後子又見子之窮天而到海也儻弗思乎是而謂始仕之薄
張然弗足於中是則非子所敢知也以子之賢其知所以自處
矣子又何言而子退退焉索言於子子於是爲岷江之說焉子
非好言者也

良說贈章表民

學士錢公君倚

世有章子表民懷其文負其道以仕仕爲小官不得志一止而
不復籍七年于茲矣有勸之仕者章子不笑則怒怒則辨莫
復有言者以見於愚愚謂章子曰章子學易知良乎愚嘗聞胡
子說良愚請爲子言良之說胡子曰震動也以象云則雷也良
止也以象云則山也君子之動法雷者也君子之止法山者也

然聖人於艮則丁寧而教戒之曰時止則止時行則行其於震也獨無所教戒云者何耶是蓋有其說夫君子之動法雷者也夫雷動而有聲所以佐天地發之發育之道者莫如雷焉當雷之發生雷則隱然剖聲於無端而公萌飛走莫不感遂及夏之發育雷又闐然宣陽暢威以鼓舞震雛就成天地之化至於秋至於冬化既周矣功既完矣雷則冥然收聲退藏於陰復歸於無故雷之於動動而不失其節者也君子之出處語默如雷而已矣何教戒之爲也君子之止法山者也若山則不然至隆崇者也至嚴重者也一著而不拔者也正而不更者也君子有時而止焉如山之隆崇可也如山之嚴重可也如山之不拔不更未可也如山之不拔不更則是伊尹不聘湯太公不佐周孔子不去魯孟子不適梁也故教戒之焉曰時有可止而止時有可行而行明者得之足以因時而有立昧者失之所以自放於山林長往而不還冥行禦死無銖兩之効可矜也可悲也古不達

於聖人敦戒之說也。今章子固學易矣。然則法雷乎。法山乎。如法雷則雷之動固有其節矣。如法山則聖人之敦戒胡弗遵。且章子以為時可行乎。則固仕矣。以為戒可行乎。則今之所謂賢有祿者皆非耶。是孔子之時何時也。孟子之時何時也。彼猶且規規奔走而不悔者。以已懷其道哀斯民之不被其澤。使已之道有遇而施焉。則澤漸於無垠。化流於無窮。與夫垂空言不一遇而死。孰得孰失。孰輕孰重哉。其言曰。古之人三月無君則弔。三月不仕則皇皇如也。此何也。惟恐已時之一失而已。道之不施也。良之說然也。孔子孟軻亦然也。抑愚又聞為仕者有二端。有為道而仕者。有為貧而仕者。居三公九卿列大夫郡士之職。苟可以行其志伸其道者。此為道之仕也。抱關擊柝。乘田委吏。掌故執戟。苟可以活其身存其志者。此為貧之仕也。今章子上則不欲為道之仕。下又不忍為貧之仕。無一田以歸。無一屋以居。鉗舌束身。茫然自固。持此欲安之乎。噫。如雷之動。乃可

讀賢如川而止道未必完下爵上位章子疾起污隆從時章子疾馳卑愁窮苦何以久處官無鉅小要以伸道位高而伸章子之仁位卑懷祿章子不辱命之曰良說以貴章子

送康侯之官序

淇水先生

以爵貴者爵存而貴爵去而賤然則非身之誠貴斯爵之貴也况以祿富者子之祿而富奪之祿而貧然則非身之誠富斯祿之富也已無它二者在外故也莫貴於有道天下莫能賤莫富於有學天下莫能貧無它二者在內故也故君子之貴在身而無取於上君子之富在己而無俟於它人有恃其貴而以色驕人者是宜告之曰無然尔姑視其內有可貴者乎有矜其富而素然自以為不足者是宜告之曰無然尔於心腹何有哉如是則貴且富者可以無伐而貧賤之士可以不懾不愧矣康侯有道有學而老于場屋又以衣食之勤流入于武吏慮其心有不釋者書此以贈之

送汪德民序

溪堂先生

古人之學也爲道今人之學也語言句讀而已古人所以治氣養心事父母畜妻子推而達之天下國家無非道也吾之所學固如是也讀四牡之詩得君臣之義讀采芣之詩得兄弟之義讀伐木之詩得朋友之義讀采芣之詩得征伐之義其有爲也其有行也亦若是而已有問焉則曰吾之所以學詩者有得於此也讀堯典之書得舜之所以事堯讀說命之書得傅說之所以事高宗讀禹貢之書得禹之所以治水讀洛誥之書得周公之所以答客其有爲也其有行也亦若是而已有問焉則曰吾之所以學書者有得於此也以至易也春秋也二禮也孝經也論語也未嘗不學焉其有爲有行亦未嘗不因其所學也甚哉今之人不善學也問其語言句讀則曰吾有學之問其所行所爲則曰吾不知也嗚呼語言句讀果可以爲道乎哉吾友汪德民可謂善學者矣夫身不滿六尺而勇足以奪三軍之帥布衣獲

食而享之如方鐘之祿不出於庭而周知四海九州之務其爲學無所不通而尤長於經術自壯與余遊以至擢進士爲天下第一未嘗有間言今得長沙學官行且有日矣余言爲別余因以古人之學告之庶幾從其學者慕古人之學而不溺於今人之學也紹聖五年三月二十日序

送張叔毅序

東平呂公

吾嘗觀聖人之道其所以與百家異者無它以其周而已矣獨觀靈源以反於一稱天下之物無足以易吾身者此足以爲己矣而不足以爲己者蒿心焦目以憂天下爲己任者此所以爲人矣而不足以爲己是二者皆偏而不能周者也今夫人之所賴而生者真氣也運動流通出入形軀一支不至則一支廢一指不至則一指發善衛生者抑其所有餘扶其所不足均乎道達期於周而已矣道之爲周也亦然內必有以爲己外必有以爲人方其爲己也有其裏必有其表方其爲人也修其本必修其

未若陽之爲天而生殺之代施若陰之爲地而剛柔之兩立表裏本末無不備者此所以爲周也昔之論道者其幽而獨化則稱之以不過其應變而旁枝則止之以不流惡偏而已矣彼百家者豈有出於此哉其所以異者見其一不見其二得其下不得其上餘而不知損不足而不知益以爲已則有我而無物以爲人則流入於兼愛強聒而不知其蔽溺於不周之過也豈免於發哉吾聞若言也久矣幽居以思博觀以學平其所有餘不足而疏其所不逮以求蹈之而未得雖然猶自意焉而不敢已者也吾友張叔毅好善而不倦忠已而不欺常素之以甚微而知其若無不可反牽之以至難而其居若能安此有受道之質者也於是與之劇繡雲於其行也求予言以規嗚呼吾復何以規君哉道之所聞而未能行者相與勉之而已矣

送王漕序

東平呂公

古之君子閱天下之理博取尊積而居之以閱深比其成出數

有不足以計其富形有不足以擬其廣而憂喜得喪過其中猶
散萍之燼烈火歟然而已矣自其德名之謂寬自其寬之所居
名之謂之容而世謂之有量量也者尋器也容之分有大小猶
器之大者所受不可以小而其小者所受不可大也今夫七外
之散望一外之爵則粲然而大笑然而不足以當山壘之有也
六外之黼投一合之餽則倍然沒矣然而不足以論太倉之積
也豈特散與黼哉抑又有大者則雖山壘之有太倉之積亦不
足以言之矣然亦豈可度而知者也若夫觀江海之浸天地之
濶則人徒知其大而其所受之多少廣狹不可度而知也人之
於量也亦然鄉閭之自好者審中而詳外與夫塗巷之人獲狙
而衣冠不可少觸者固亦有間矣至於閭先生長者之風則自
好者之爲量未足多也推而至於聖賢之極則豈少於江海之
浸而天地之濶哉此所謂數有不足以計其富而形有不足
以擬其廣者也古之君子以爲如此者非一日之積於是學以

衆其蓄治以疏其穢盡以充其宅其爲德也多矣而其所謂量
則容而有量者特以其喜憂喜得喪之不能擾而名之云尔嗟乎
天下之沉於外物而自障其中也久矣求所謂寬容者有量者必
之遊豈易得哉景少適四方遊京師略交天下之賢士大夫而
側聞其緒言以謂今之寬容而有量者莫如公待讀張君唐公
而恨不見其爲人也其後得交唐公於淮南於茲十年矣觀其
仕而不爲之喜已而不爲之愠雖古人無以過之以其聞人之
善而好之若不知其齒之先後而軒裳之在已也其於不肖人
亦有以遇之使粹莫得其親疎之意殆今雖老也猶學問而不
厭乃知非特其質之美抑有以豐而大之也以來錢唐乃得爲
公之屬吏公不以其愚且賤忘其勢而下交之服役於左右且
三年不可謂不習矣以公之才德蚤有聞於天下其遠且大者
豈不肖者之所敢擬而度之哉惟有外物不能以喜愠於中而
尊賢汎愛不失其本於外其所謂量者何其似於唐公也公少

而位於朝幾且去顧矣既而中廢且十餘年昔之同舍出入於
鈞衡之地蓋已數矣其再起且數年並進而獨外者又多矣而
公獨更須使之久今又使於山東議者莫以爲非可宜居而公
處之自若也所謂憂喜得喪之不能撓者此非其實歟雖若古
之聖賢有行年六十而六十化者蓋未始一日不進也公亦學
問而不厭者以今日之至者如此則後日之所受也恢恢然又
可涯也哉其於行也道某之所以聞風於古人而親得之於我
公者存以送之

送蘇林楊寺丞序

編脩劉公貴父

天下大郡方千里小郡數百里太守之重興教化一風俗焉爲
分天子憂其亦貴已哉由玉嶺以南自古奔以爲荒服黠教所
不及於今則冠帶之民郡縣而治矣然方之內郡王化之醇厚
風俗之敦龐固有間焉則其可憂自宜倍之太守之賢又益重
哉矣而士大夫遇而不往何邪昔仲丘布衣也欲居九夷然謂

不陋今太守之車朱輪五馬之富非直布衣也冠帶之長才之
九矣又有間矣雖在一身以利百姓以謂賢者樂之然而陋焉
是非聖人之徒也治民均也已得其未淳治者分憂同也已得
其甚可憂者將非村士君子之願乎揚侯之役在櫛櫛櫛櫛外
古名郡也上之所以待揚侯者擢之百十人之中揚侯之所以
報上者亦有以出乎百十人矣故受命不以遠焉許不以陋焉
解歷平遠方之人受賜也

新刊國朝二百家名賢文粹卷第二百六十八

序

送別序五

送賀推官序

浮休居士

其名之不正未有如今之甚者也刺史縣令不得治民將軍府
馬不得治兵僕射尚書不得治省卿不得治寺員外郎中皆治
僕射尚書職其不當治者使爲之其當者不得爲以虛名領實
事或數日而去或一月半歲遠不過二年大抵去矣如是天下
之事欲純治不可得也猶獨有一事可喜者觀察節度使不得
在鎮縣令得在縣又卒以三年代去是縣令得專施設過於兩
使遠矣然自三四十年已來又出京官知縣事與令雜治之令
雖不絕名稱移領他職去然在縣者負常多近以綺組子不喜
趨伏塵中又生幕職官知縣事凡世之得舉當爲縣令者莫肯
就舉今肯欲得職官知縣無趨伏塵中由是以令治縣者舉一

路無幾也夫知與令皆得其人治無異也然天下之所以可爲
者以有名分也居而不可易者謂名取而不敢過者謂分君尊
臣卑父坐子立兄先弟後夫倡婦隨崇其名故安其分今有人
曰分則可矣名何爲哉曰謂兄曰弟謂弟曰兄亦可乎故孔子
得位所以必欲正之也子故人賀勉字思中由進士第擢臨府
三年得舉遷潁州團練推官試秘書省校書郎知大名之魏縣
由賀君觀之潁州團練推官所居官也秘書省校書郎所試職
也知縣事所領事也官以正試以兼皆無與其事知以攝願專
領之亦可惟矣爲正者旣不能正也賀君處之亦不能自辦也
曰吾知食其祿任其責而已矣君命我者吾將如何哉非獨賀
君也子亦嘗爲之亦曰君命也吾將如何哉以子與賀君觀之
天下之居官任責者皆可知矣賀君清畏自見士也早與子習
太學爲同舍迨今已十餘年矣晚復得之於臨暇日與論當世
事甚詳切故言之及此也發其行矣欲求其可言者無可得言

嘗沉思其爲人也乃有可言者昔晏子長不三尺相齊而三世顯名諸侯張子房脫高祖於困阨而終得天下其未之識也以爲良魁梧奇偉文夫也則子之望於吾子者盡矣其他又何言哉然吾子以爲如何

送游珪長官序

浮休居士

孔子嘗告人以爲政之方曰居之無倦行之以忠誠哉惟忠所以信民惟無倦所以成務游君之爲河東也朝食於廳事之上夜寢於獄門之右如是者率三歲雖家人僕吏直若弗堪而游君處之晏如也河東古劇邑自新法之行天下併省郡縣河中亦例省永樂河西之二而歸河東爲一則河東之民事已可知矣又陝西營田於田其地皆在河東則河東之公事又可知矣每盛暑游君伏汗坐文案中則子方臨大河乘清風於心猶時有未快既而返恩游君之勞則赧然懷慙愧而游君終以不倦從公事以忠從民事公事濟則九爲下者信而服故三歲之間

廷無滯訟獄無繫冤下無謗言上無怒色今得代而去法當進
秩京省以游君處之足以謂之榮以僚友望之足以謂之美勝
君在子爲前輩少居京師樓貴人之門聚徒講授晚得一第其
心已柔又有子成立亦以進士策名同力仕進若是則君雖老
尚未可量也文淵嘗有云丈夫貧當益堅老當益壯今游君可
少壯其心矣勿從而柔之也今將行矣責予以詩予以爲詩者
雖主於風而慮其不能盡言故爲之序其事以貢焉游君其省
之乎

送澤陽周主簿序

學士王公補之

澤陽周君某即其所居之後小阜之上立屋以爲亭而亭之上
所見最詳者廬山山之顏與夫踈籬淺嶂欹絕峭出而煙雲奔
木无華態度朝暮遷變奇詭無極其近則竹栢攢攬高下掩映
而外連市邑華懷鮮藹昭駢聳其勢崢嶸其氣豐蔚皆可
愛也然自下而登者必排荻薈堤藤蔓間關詰屈而後至至

其地又不寬廣故其友或譏其隘或病其險而周君語之曰吾
思所學於此而事有可樂者則四顧景物之勝亦足以寓焉則吾
處之逍遙舒豫乃若寬且平然不知其隘且險也於是取管語
於其友而名之曰夷亭又撫其語爲書以諗於子而求享其意
予得而歎曰富矣周君之言予聞古之大丈夫其中既有以
自得而樂之則其於出處趨捨語默之際常視約如泰視卑如
崇視窮如達視隱如顯至其泰則復不忘於約崇則復不忘於
卑達則復不忘於窮顯則復不忘於隱凡從於事莫不皆然而
夷險之間特其一端耳周君之智能爲是語則有不能廣於其
實乎能自知於此則有不知於彼乎富矣周君之言也周君博
雅好學君子也視其所作與其語其亦將能爲古之大丈夫之
事也歟予亦欲俟其成故樂爲之廣其語以爲夷亭亭治平政
元後五十日也

秦子善文章而工爲詩其言清麗刻深三反九復一章乃成大
抵悲愁鬱塞無歡者之言也其於物也秋蛩寒蟬鷓鴣猿秋之
鳴也霜竹之風水谷之水楚囚之絃越羈之呻吟也噓秦子
內有事親之喜外有朋友之樂冬裘而夏絺甘食而清飲其中
寧有介然者而顧爲是耶世之文章多出於窮人故後之爲文
者喜爲窮人之辭秦子無憂而爲憂者之辭殆出此耶吾請爲
子言之古之所謂儒者不主於學文而文章之工亦不可謂其
能窮苦而深刻也發大議定大策開人之所難感內足以正君
外可以訓民使於四方鄰國寢謀言於軍旅勸人聽命則古者
藏文仲叔向子產晏嬰令尹子文之徒實以是爲文後世取法
焉其於文也雲蒸雨降雷震之震也有生於天地之間者實賴
之是故繫萬物之休戚於其吉瑞之語默嗟夫天地發生雷雨
時行子獨不聞之而從草根之虫危枝之翼焉乎以相求子亦
窮矣宋古之所謂儒者所用之國無敵若臧文仲叔向子產晏

子令尹子文其望孔子亦遠矣而其功烈亦足以振顯一時故
猶能以儒者之効名一世夫不足以治國而能知今古考妖祥
紀事實多聞而博通則古者太史氏之職而初不以是爲儒
也楚左史倚相能讀三墳五典八索九丘而楚之治國不責倚
相由是言之古之論史與儒異事而司馬談爲太史號通古今
善文詞猶曰太史星曆近乎卜祝之間主上以倡優畜之其尊
禮不如公孫丞相汲黯此則漢之初猶有古之遺俗在也嗚呼
儒之名實不正久矣自漢以來聖賢之學廢而孔子之徒皆以
其師之書自重於世聚徒而授之若是者當時皆以儒之名歸
之而司馬談序九流儒者才當其一彼未嘗見其真而信當時
之所指故從而論其失而班固以謂出古司徒之官嗚呼何其
陋也儒者之治天下九流之列皆其用也顧與淺術末數各効
其一曲者同哉吾意今儒者之所學古太史之流而非世之所
急也予饗其全無食其餘據其源无挹其流子方從眉山公其

以予言質之而歸告余也

送知榮州董正封序

賢卿先生

劍戟磨雲子規催北客之歸者蜀山之古道也攷成石龜望汴
都之鬱葱欲吐曾中之奇躍焉而去者董使君之出蜀也使君
之行扶老攜幼擁旌旗之先欲去不能欲別不忍疊疊而相隨
者感恩之民也相與言曰惟天子惠顧西南勞我疾万里來不
鄙而曹勤日以治我有疾苦惟使君之醫我有飢寒惟使君之
衣食我有子弟惟使君之教使君固無心於德我也我將何以
報德乎欲持劉龍之錢以將勤意則使君之清雖一錢必不受
欲載洪規之士以質後乘則使君之廉雖塊土亦必不受吾聞
古人贈人以言願約以此於是有越巖而出者欲祝之曰山寒
雪清遠行多苦忠孝之人行矣鄭重有結驢而進者又欲祝之
曰功名乘時異日持斧觀風眷眷此邦之人願無相忘捨是有
厖眉老人聞而笑之以謂前言者祝疾以自愛後言者以愛物

可也然意何其隘耶夫人有易奪之志統始而息終者守之不
篤故也有難全之才務大而遺細者養之不至故也侯之治榮
始終不變君子以為善政而今而後推已之志臨進退之大節
全名自高白王無玷然則可以息終乎何不祝侯自愛者以此
也衆於是曰富哉斯言流筆以告執巾者惟北溪野人為宜野
人者史君倒屣而迎之者也其拜命曰唯唯其何敢辭敬序以
告史君當復笑曰愛我哉王其也年月日叙

送伯強序

樞密王公

愚嘗患天下之士文足以起其華而事不足以充其實學足以
充其實而器不足以勝其用蓋嘗取友於天下得之以文得之
以學者多矣而得之以器者才一二人而已耳予重其文喜其
學則必以大器而告之然亦有告之而不我樂者也予讀伯強
之文如適官軒聞咸地大雅之音洋洋其和如立嚴陞聞千官
環珮之音琅琅乎其清觀伯強之季指數三代兩漢間如今日

事沙予心之好慕喜與伯強雖不吾求吾猶將抱大器而歸之况伯強請之如此之勤邪夫文非吾文學非吾學咨天下之善而常若不足者豈其大器與謹持此以為伯強贈云

送周茂叔殿丞序

淨德先生

君子能信道不能必信於人能自知不能必知於人得乎中不奪於外環視天下而輒重在己死生貴賤不害休戚未嘗少墜其思索以及其趣尚故能也人之分睽於義利取舍好惡交攻競驚而莫知合於至當故不能也予嘗持是說以觀世俗情偽而憤君子之所不能反而求諸傳記至仲尼稱伯夷柳下惠荀卿氏推尊子弓楊子雲珍君平長仲元而乃知君子之道雖晦必明雖屈必伸蓋聖人之待天下必推之以至公而教存焉然則道人之善而有弊於世非佞也公天下而為言也春陵周茂叔志清而材醇行敏而學博讀易春秋探其原其文簡潔有制其政撫而不柔與人交平居若終愛及其判忠誠極憂患雖

賁育之力亦莫亢其勇濬之深流必長趨之端適必遠擴而老
之斯民有望焉然而常自誦曰俯仰不作用捨惟道行將遜去
山林以全吾思其信道篤而自知明歟或知之或不知之其君
子之所不能欺以君了之所不能於君子何損益焉惟知者可
與言其然惟不知者亦可與辯其不然亦庶乎道人之善而不
為佞欺今年夏六月官滿南歸士大夫皆文以送陶既字又繼
以詩

送張安道赴成都序

淨德先生

淳化甲午歲蜀寇亂今六十年矣無知民傳聞其事鼓為訛語
誼譏震驚萬口一舌咸謂歲次于某則方隅有不幸然自春抵
夏未嘗有甚變轡秋七月雷中酋長以知高事聞于剌轉而聞
之益雲南疑若少動歲凶之說又從而沸焉搢紳從而信之焉
西南一隅朝廷重憂之矣天子於是命我公來帥以全蜀安危付
之陶世居其蜀識其利病鵠觀朝廷疑蜀之意大抵謂地宅劍

外有山川關防為阻有貨泉儲蓄為用自昔王室不綱則權臣因而據有是知蜀之可疑而不知蜀之順逆繫乎中國成敗也彼乘釁而起因危而守者是頃刻之景禍一旦中原有主則奔服投竄不暇王衍孟昶輩是也方今主上神聖法制統一風靡德流決民骨髓擇守而統之制兵而維之蜀固不足疑也而歲凶之說其亦怪乎自蜀自偽昶納土而後朝廷以為新國凡百號令撫而有之郡縣之政姑息苟簡三十年間弊浸以大淳化之際經制盡矣賦稅不均刑法不明吏暴于上民怨于下武備日廢而不知講盜賊日發而不知禁是故野夫攘臂以取州邑其易如卷席然則甲午之亂非蜀之罪也非歲之罪也乃官政欺懦而經制壞敗之罪也今則不然賊無橫斂刑無濫罰政無暴民無營心于農則歲豐主于業則財羨惟安和是恃惟嬉游是圖甚者以至外饑寒而競逸樂億萬以賞罰而驅之於盜不忍為也土兵之藉于郡者大率素而多畏死而不足用豐衣飽食

務完其生以保其妻孥一夫大呼而覲其相從不能為也東兵之來戍者以為休息地至則約其服食貸人以緡錢而享倍稱之息加以法制素定悉所稟畏一有小過刑而歸之謂其有覺不敢為也今觀於時則大異駭於政則甚和審於民則自安度於兵則無狀而曰雲南可慮斯又不然夫大理王南詔南詔至益其地相去數千里山川險阻從而可知然二虜雖大皆順服之國也朝廷亦嘗有恩以縻之今乃捨部族之常居附道賊之餘黨歷險隘之遠道以謀入寇彼雖蠻夷亦知其迂而不為也竊謂蠻狄之性好詐而貪利邛部諸蠻平時以馬貨我朝廷務於懷遠所賞必倍彼類亦諭其意得非仗寇之釁矜己之忠而微我以惠歟必謂之詐備或闕焉必謂之信其詐尤甚信與詐置而勿論可也然則閭閻之語不足信雲南之誓不足憂今之好恠者必曰歲當然無乃溺於用數而昧於知幾乎驗之以人事明也甲午之說誠誕矣公為國巨賢德業濟時荷廟堂之才而

施設蜀如戶庭爾必有以撫御統領之道而置之於安也

送程公明序

道鄉先生

客有問曰朝請郎程公歸故鄉三年通者應詔將以轉運使赴任陝西被服德化者雖感動嘆息不欲其去然且撫掌駭異目為榮觀不識程公之所以處此果如何耶愚應之曰自衆人觀之固已為榮矣意者程公之素蘊則非特如是而已也試請言其梗槩夫督饋輓計賞儲察官吏之能否訪生民之利病至於招復流徙勸課田疇理獄訟之冤提薄領之要是皆轉運使之任也大君子之初為亦可槩見於此然未足以盡賢能之素蘊焉今人之目程公為榮觀者必曰注意出宸衷也必曰掄材膺重寄也必曰邊候待之而肅清也必曰軍儲待之而豐衍也語其風稜必曰吏心之所畏也語其聞望必曰國論之所高也語其好畫便宜必曰行將若李唐劉晏也語其能均饋運必曰行將若川蜀孔明也凡如此言也類皆為程公之美談愚竊笑而深

疑之何則衆之所言者特程公之緒余尔固優爲也美則美矣而程公之所養則高明宏遠固又有大於人者豈一方之寄果足以盡夫素蘊乎意其自有器足以周群材之用意其自有識足以照万事之幾意其有德足以厭四海之望且欲排金闕上玉堂優游從容不動聲氣而翼亮天經幹旋化樞矣但持使節而已耶況聖時用人率以不次而外朝補袞類並豪傑乃搢紳大夫得志有爲之秋也愚不佞切謂程公之此行烏知夫之所以副蒼生之望而特起之乎天下之人有待於霖雨而得斯人乎暫屈使星首膺制綬雄圖遠業未易量也然則鄉人自陳公奉使爲榮觀而未足以盡程公之素蘊愚不得不備道而詳言子盍思之客曰向也識之面而已今也得子之言而知子之心且使鄉人之知程公真朝廷之重器而雲龍會遇指日可待焉幸矣幸矣

別高都諸友序

去閣先生

自予得冠鄉俗氣虺去有故人傲世之真弊自予得仲父心志矯激而不苟毀譽於物自予得退仲言不教商法之頃刻行不敢違道之尺寸

自予得正夫憤激愁怨悲樂之來如浮雲暮水木暇瞻視而隨已
消釋自予得明叔其心嚮義常欲竭蹶而趨之予來高都從此五人遊
得此五人益而亦竊自惟求友於天下而不意五人者皆聚于此也求
友之法始拒之太深則後有善而愧於復交始與之太密則後有敝而
不可以絕此世所共蔽也予欲觀其操履必與之又處欲觀其趣向必
接之以議論欲觀其器量必試以非意之事欲觀其所守必臨之以禍
福欲觀其誠偽必辨其參五故處稠人而許其短不可謂忌斥其明疵
之私不可謂直可為而不為不可謂讓無善而過稱不可謂延譽齊咨
涕泣閔人之窮而不以力振之不可謂仁遇事許可而不平成之不可
謂義予以此求友故得五人而友之五人者又皆有益於予是予求友
之不誣也冠鄉遠為不里官海涯孤客其會固不可期仲文去我守官
於邊退仲去我而守僻邑獨正夫明叔有里巷相過之樂今我又自舍
二友而西遊予嘗喜此五人不意俱會于此又歎其未必常相聚也平
時盃酒間笑語倡和以理相責以義相告及離群而去遇物牽感必有

深思而不得見者故必取其舊文而讀之如與其人
語言從容亦可少解別後之思予之別諸友故以此
爲遺我使我遠行宿于羈亭野館疎林槭槭晚色落
莫出而無人與語往往沽酒獨酌面諸友所居引吭
而望之不見旣發篋又無諸友之文使予吟誦而念
之則予懸懸之情其可以已耶行有日矣敢以此告
治平元年閏月五日序

仲兄赴官休寧序

芸閣先生

治平三年春正月辛巳來自河陽省兄長會兄長以
御史論事于朝不納還第待罪者數日矣詔三論不
起請益堅明日詔奪御史以博士爲歙之休寧拜命
即出國門節于門南之佛舍都城士大夫相與就見
之有齎咨壘屨以去位爲嘯者有賞其風節撫手歎
嘉以得名爲賀者二者之詞日交于前兄方毅然不

動其感激之氣尚見于色發于語言之間噫學之功
果如是是亦至矣固其寵者奪其寵則悲徇於名者
獲其名則樂凡悲樂之起殆非至誠君子愛其君之
所爲也君子以至誠事君有善必告曰吾君其行之
有過必諫曰吾君其行之有過必諫曰吾君其政之
一言不聽三言之冉三不聽反復而言之又不聽乃
曰吾君果不聽矣吾可以去矣猶曰庶幾吾君知吾
去之所以然而少悟也由此觀之苟使其言行其諫
聽推其中心之樂雖軒冕印綬曰加其身而不願以
易此然其不得於君舍位而去豈其心哉故夫進與
退名與否皆非吾之所存則其去也何悲乎何樂也
乎某之見其兄不賀不嘖默然知兄之至誠不可掩
也兄將行矣終不可以無言蓋君子所貴乎全者以
無所處而不宜也人之情處其小則志於大得其大

則忽於小昔兄爲御史坑言大事于天子之前今反
屈首治一邑日與吏民會計簿書辦析牒訴宜其有
不樂爲之心然兄既能於進退矣又豈不能忘於小
大之間哉二月庚寅餞于陳留謹書以送

送金縣令吳憲甫序

前溪先生

簡也劉涇曰金縣自吳大夫前其民爲群糾爲圖議自吳大夫
至其民爲盟竟爲處女竊怪其然而問諸老人曰大夫豈柔心
惠氣以煦汝耶且曰前此固嘗勸我矣吏偃蹇笑而不誅盜縱
橫恣而不問今大夫非不煦我也而非煦我曰然則豈大夫嚴
聲惡色以怖汝耶曰前此固嘗怖我矣十月求魚六月買水凡
訟無曲直一置於牢泣冤相擊今大夫非不怖我也而非怖我
曰大夫無乃辛勤困竭孜孜以望治耶曰前此固嘗勤竭矣夜
半而寐雞鳴而興懸衣垢瓜忍餒吞渴今大夫非不勤竭也而
非勤竭曰是則大夫都無作爲偶然而蒙効耶曰前此固嘗偶

欲矢出則高舉闊視入則酣面謳舌一切事為好者弄搖倖苟
無譴云為全人今大夫非不偶然也而非偶然豈與里厓林野
雖受大夫賜而不識大夫所以為大夫弟見朝游翠雲則玩石
月而邀玉泉暮步白雲則傲東庵而嘯天隱翠雲白雲皆金溪
精藍者自初及歸無一日異也予聞而數曰吏語不誣予每與
憲甫接或袒楊襟襟散無禮而憲甫默思緩答如對公相予且不能親
談詎評辯馳騁無已而憲甫默思緩答如對公相予且不能親
憲甫涯岸而沙氏尚能曉大夫之見解也哉如汝言則大夫非
今日大夫乃古大夫也請錄以送行

送李公興少府序

周前

簡也劉涇謂處人李公興曰我與子同試禮闈子得我失方此
時慕子如珠望子如龍今也子失我得失子如偃惡子如病今
我失惡子乃昔子之笑惡我者也今子慕望我乃昔我之慕望
子者也公與聞言捫其頤而胡蘆且曰吾失斯同子又安得曰

然與子酌一酒也我酣然醉子忘其有酒也帽一角也我忘其然
舞子忘其有舞也子失所索也我先官守也豈不有得哉公与
曰奈何曰旦暮之得也謂先或失以今觀之其得之幾自古大
富貴但不於失時觀之耳方其失時如葉秋脫彼唯先得故也
使彼有得則雖棄失可矣何者讀書所以為進士進士讀書之
稱謂也品一至九皆進士之色其衣者讀書猶不廢也苟以讀
書老則進士官何擇乎子乃色其衣之進士不官尚不足靳况
暫此失乎子元汲汲於令一縣牧一州相一天下侍者十百以
呵者千万人則子之得如我之得奚其失公与遂大醉起舞坐
者歡使

新刊 國朝二百家名賢文粹卷第一百六十八